

**Datganiad Busnes Drafft ar gyfer y 3 wythnos nesaf a Phenderfyniadau'r  
Dirprwy Lywydd ar gyfer 17 Hydref 2006**

**Penderfyniadau**

**Yn dilyn cyfarfod y Pwyllgor Busnes a gynhaliwyd ar 17 Hydref penderfynodd  
y Dirprwy Lywydd, yn unol â Rheol Sefydlog 24.6**

**nad oes angen cyfeirio'r ddeddfwriaeth ganlynol i'w hystyried ymhellach gan  
bwyllgor pwnc:**

- Gorchymyn Addysg (Cyrff sy'n Cael eu Rhestru) (Cymru) 2006
- Gorchymyn Pathogenau Anifeiliaid Penodedig (Diwygio) (Cymru) 2006
- Rheoliadau'r Gwasanaeth Gyrfaoedd a Gwasanaethau Cysylltiedig (Cymru) 2006
- Gorchymyn Defaid a Geifr (Cofnodion, Adnabod a Symud) (Cymru) (Diwygio) 2006
- Rheoliadau Cynllunio Gwlad a Thref (Asesu Effaith Amgylcheddol) (Diwygio) (Cymru) 2006
- Gorchymyn Cynllunio Trafnidiaeth Rhanbarthol (Cymru) 2006

**Datganiad Busnes Drafft**

**Dydd Mawrth 24 Hydref a dydd Mercher 25 Hydref**

***Toriad Hanner Tymor yr Hydref 30 Hydref – 3 Tachwedd 2006***

**Dydd Mawrth 7 Tachwedd a dydd Mercher 8 Tachwedd 2006**

**Dydd Mawrth 14 Tachwedd a dydd Mercher 15 Tachwedd 2006**

## Dydd Mawrth 24 Hydref 2006

- **Cwestiynau i Brif Weinidog Cymru (45 munud)**
- **Y Datganiad Busnes (10 munud)**
- **Datganiad gan Brif Weinidog Cymru: Ymateb Llywodraeth Cynulliad Cymru i Adroddiad y Pwyllgor Menter, Arloesi a Rhwydweithiau: Adolygiad o Bolisi Gwyddoniaeth (30 munud)**
- **Cynnig i gymeradwyo o dan Reol Sefydlog 24.25 (1 munud)**

### **Ø Rheoliadau Cynllun Taliad Sengl a Chynlluniau Cymorth y Polisi Amaethyddol Cyffredin (Trawsgydymffurfio) (Cymru) (Diwygio) 2006**

Mae'r Rheoliadau hyn yn diwygio Rheoliadau Cynllun Taliad Sengl a Chynlluniau Cymorth y Polisi Amaethyddol Cyffredin (Trawsgydymffurfio) (Cymru) (Diwygio) 2004 er mwyn dynodi Cynulliad Cenedlaethol Cymru yn Awdurdod Rheolaethu Cymwys ar gyfer Gofynion Rheoli Statudol 9, 11 a 12 a'r Ysgrifennydd Gwladol dros Adran yr Amgylchedd, Bwyd a Materion Gwledig yn Awdurdod Rheolaethu Cymwys ar gyfer Gofynion Rheoli Statudol 10, 13-15. Diwygiadau gweinyddol a fydd yn atgyfnerthu'r gofynion cyfredol yw'r holl ddiwygiadau eraill.

### **Ø Rheoliadau Cyflenwi Gwybodaeth ar gyfer Cymorth i Fyfyrrwyr i Gyrrff Llywodraethu (Cymru) 2006**

Mae Adran 45 o Ddeddf Addysg Uwch 2004 yn gwneud darpariaeth i Gynulliad Cenedlaethol Cymru wneud Rheoliadau a fydd yn galluogi'r Cwmni Benthyciadau i Fyfyrrwyr i rannu gwybodaeth am gymorth i fyfyrrwyr gyda chorff llywodraethu Sefydliad Addysg Uwch ac yn galluogi'r Awdurdodau Lleol i rannu data â Sefydliadau Addysg Uwch, ar yr amod bod caniatâd wedi'i roi i'r wybodaeth honno gael ei rhannu. Bydd y Rheoliadau yn galluogi'r Cwmni Benthyciadau i Fyfyrrwyr i rannu gwybodaeth a ddarperir gan fyfyrrwyr a'u noddwyr ar y ffurflen gais am gymorth, yn ogystal â chanlyniad yr asesiad at ddibenion gweinyddu bwrsariaethau. Mae

datganiadau diogelu data yn adran 13 o ffurflen PN1, sef y ffurflen gais am gymorth i fyfyrwyr, sy'n ei gwneud yn ofynnol i gael caniatâd diamwys yr ymgeiswyr a phobl eraill sy'n darparu gwybodaeth bersonol.

### Ø **Rheoliadau Iechyd Planhigion (Ffioedd Arolygu Mewnforio) (Cymru) (Rhif 2) 2006**

Mae'r Rheoliadau hyn, sy'n dirymu ac yn disodli Rheoliadau Iechyd Planhigion (Ffioedd Arolygu Mewnforio) (Cymru) 2006, yn gweithredu Erthygl 13d o Gyfarwyddeb y Cyngor 2000/29/EC (y Gyfarwyddeb Iechyd Planhigion). Maent yn cyflwyno cyfraddau gostyngol ar gyfer cynnal gwiriadau ar 16 yn fwy o blanhigion, cynhyrchion planhigion a phethau eraill sy'n cael eu mewnforio o drydydd gwledydd nad ydynt wedi'u cynnwys yn Rheoliadau 2006. Maent yn darparu hefyd fod ffi i'w godi pan fo llwythi o blanhigion yn cael eu mewnforio, p'un a gynhelir arolygiad ar iechyd y planhigion ai peidio.

### Ø **Rheoliadau Bwyd (Rheolaeth Frys) (Dirymu) (Cymru) 2006**

Mae'r Rheoliadau hyn yn darparu ar gyfer gweithredu a gorfodi mesurau'r Gymuned Ewropeaidd ym Mhenderfyniad y Comisiwn 2006/504/EC sy'n cysoni'r amodau arbennig sy'n ymwneud â mewnforio bwydydd penodol, yn benodol pysgnau, cnau bwydadwy a ffigys sych a chynhyrchion a wnaed ohonynt i'r Undeb Ewropeaidd o drydydd gwledydd penodol. Maent hefyd yn dirymu Rheoliadau rheolaeth frys a wnaed yn y gorffennol mewn perthynas â'r bwydydd penodedig.

Bydd y Rheoliadau yn dirymu ac yn disodli rheoliadau rheolaeth frys a wnaed yn y gorffennol ac sydd, ar hyn o bryd, yn gweithredu Penderfyniadau'r Comisiwn 2000/49/EC, 2002/79/EC, 2002/80/EC, 2003/493/EC a 2005/85/EC.

### • **Cynnig i gymeradwyo Rheoliadau Plaleiddiaid (Lefelau Gweddillion Uchaf Mewn Cnydau, Bwydydd a Phorthiant) (Cymru a Lloegr) (Diwygio) (Rhif 3) 2006 dan Reolau Sefydlog 25 rhan 3, 25.14 a 24.25 (1 munud)**

Mae gan y Gymuned Ewropeaidd drefn yn ei lle sy'n caniatáu gosod, ar sail wyddonol, lefelau gweddillion uchaf mewn cnydau, bwydydd a phorthiant. Fe gynlluniwyd y rhaglen er mwyn cysoni deddfwriaeth y Gymuned a chryfhau diogelwch y defnyddiwr drwy ddarparu mecanwaith sy'n gweithredu pan fydd plaladdwr yn cael ei gamddefnyddio.

Mae'r Rheoliadau hyn yn trosi pedair o Gyfarwyddebau'r UE (2006/53/EC, 2006/59/EC, 2006/60/EC a 2006/61/EC), sy'n diwygio'r Cyfarwyddebau fframwaith

(76/895/EEC, 86/362/EEC, 86/363/EEC a 90/642/EEC) a ddatblygwyd fel rhan o raglen barhaol i bennu lefelau gweddillion uchaf ar gyfer ystod eang o borthiant.

- **Dadl am y Gyllideb ddrafft (120 munud)**

### **Dydd Mercher 25 Hydref 2006**

- **Cwestiynau Llywodraeth Leol i Sue Essex, y Gweinidog dros Gyllid, Llywodraeth Leol a Gwasanaethau Cyhoeddus (30 munud)**
- **Cwestiynau i Jane Davidson, y Gweinidog dros Addysg a Dysgu Gydol Oes (30 munud)**
- **Cynnig i gymeradwyo Rheoliadau Diwygio Gofal Cymunedol, Gwasanaethau ar gyfer Gofalwyr a Gwasanaethau Plant (Taliadau Uniongyrchol) (Cymru) 2006 (15 munud)**

Mae'r Rheoliadau hyn yn ymestyn y categorïau hynny o bobl a all fod yn gymwys i dderbyn Taliadau Uniongyrchol i gynnwys pobl sydd rhwng 18 a 64 oed sy'n derbyn gwasanaethau gofal cymunedol. Maent yn diwygio'r Rheoliadau Gofal Cymunedol, Gwasanaethau ar gyfer Gofalwyr a Gwasanaethau Plant (Taliadau Uniongyrchol) (Cymru) 2004.

### **Cynnig i drafod y ddwy eitem a ganlyn gyda'i gilydd, ond gan gynnal pleidlais ar wahân (20 munud)**

- **Cynnig i gymeradwyo Gorchymyn Tai (Gorchmynion Rheoli Anheddau Gwag) (Eithriadau a Gofynion Rhagnodedig) (Cymru) 2006**

Mae'r Offeryn hwn yn pennu'r amgylchiadau pryd y caiff awdurdod tai lleol ei atal rhan gwneud gorchymyn interim rheoli anheddau gwag mewn perthynas ag annedd sydd wedi'i adael heb ei feddiannu gan ei berchennog yn unol â'r disgrifiad yn Rhan 4 o Ddeddf Tai 2004 (y Ddeddf). Mae hefyd yn pennu'r wybodaeth y mae'n rhaid i'r awdurdod tai lleol ei darparu i'r tribiwnlys sy'n ystyried y cais.

- **Cynnig i gymeradwyo Rheoliadau Tai (Gorchmynion Rheoli a**

## **Gorchymynion Rheoli Anheddau Gwag) (Darpariaethau Atodol) (Cymru) 2006**

Mae'r Rheoliadau hyn yn gwneud darpariaethau atodol lle y mae'r awdurdod tai lleol i'w drin fel lesddeiliad o dan les adeiladau sy'n destun gorchymyn rheoli interim neu orchymyn rheoli terfynol o dan Bennod 1 o Ran 4 o Ddeddf Tai 2004 (y Ddeddf) neu sy'n destun gorchymyn interim rheoli anheddau gwag neu orchymyn terfynol rheoli anheddau gwag a wnaed o dan Bennod 2 o Ran 4 o'r Ddeddf.

### **Cynnig i drafod y ddwy eitem a ganlyn gyda'i gilydd, ond gan gynnal pleidlais ar wahân (20 munud)**

- **Cynnig i gymeradwyo Gorchymyn Trwyddedu Dethol Tai (Amodau Ychwanegol) (Cymru) 2006**

Mae Adran 80(1) o Ddeddf Tai 2004 (y Ddeddf) (Dynodi ardaloedd trwyddedu dethol) yn caniatáu i awdurdod tai lleol ddynodi naill ai ardal ei ddsbarth, neu ardal yn ei ddsbarth, yn ardal trwyddedu dethol os bodlonir gofynion is-adrannau (2) a (9).

- Mae is-adran (2) yn datgan bod yn rhaid i'r awdurdod ystyried bod y set gyntaf neu'r ail set o amodau cyffredinol y cyfeirir atynt yn is-adran (3) os yw'r ardal yn ardal lle mae galw isel am dai neu os yw'n debygol o ddod yn ardal o'r fath neu (6)lle mae gan yr ardal broblem sylweddol a chyson sy'n cael ei hachosi gan ymddygiad gwrthgymdeithasol, neu unrhyw amodau a bennir mewn gorchymyn o dan is-adran (7) yn set ychwanegol o amodau, yn cael eu bodloni mewn perthynas â'r ardal.

- Mae is-adran (9) yn pennu'r hyn y mae'n rhaid i'r awdurdod tai ei wneud cyn gwneud dynodiad h.y. mae'n rhaid iddo gymryd camau rhesymol i ymgynghori â phersonau y mae'r dynodiad yn debygol o effeithio arnynt, ac ystyried unrhyw sylwadau sy'n cael eu gwneud yn unol â'r ymgynghoriad.

- Mae is-adran (7) yn caniatáu i Gynulliad Cenedlaethol Cymru (gan mai ef yw'r awdurdod cenedlaethol priodol) bennu amodau mewn Gorchymyn a fydd yn set ychwanegol o amodau at ddibenion is-adran (2).

Mae Erthygl 3 o'r Gorchymyn drafft yn pennu amodau ychwanegol y mae'n rhaid i'r naill neu'r llall ohonynt gael eu bodloni cyn i awdurdod tai lleol ddynodi

ardal yn un lle mae trwyddedu dethol.

- **Cynnig i gymeradwyo Gorchymyn Trwyddedu Dethol Tai (Esemptiadau Penodedig) (Cymru) 2006**

Mae'r Gorchymyn hwn yn pennu'r disgrifiadau o denantiaethau neu drwyddedau tai neu anheddau sydd mewn tai sy'n denantiaethau neu'n drwyddedau esempt at ddibenion Rhan 3 o Ddeddf Tai 2004 (y Ddeddf). Effaith yr esemptiad yw nad yw t• sy'n destun tenantiaeth neu drwydded o fath a ddisgrifir yn erthygl 2 o'r Gorchymyn yn destun y gofyniad trwyddedu a ddisgrifir yn adran 85 o'r Ddeddf.

- **Cynnig i gymeradwyo Diwygio Cod Ymarfer ar gyfer Defnyddio Cynhyrchion Diogelu Planhigion: Drafft Paragraff 3.7.4 o dan Reol Sefydlog 23 rhan 3 (15 munud)**

Cyflwynwyd y Cod Ymarfer ar gyfer Defnyddio Cynhyrchion Diogelu Planhigion gan Lywodraeth Cynulliad Cymru, Adran yr Amgylchedd, Bwyd a Materion Gwledig (Defra) a'r Comisiwn Iechyd a Diogelwch ar 15 Rhagfyr 2005. Roedd y Cod yn cymryd lle'r Cod Ymarfer blaenorol ar gyfer defnyddio paleiddiaid yn ddiogel ar ffermydd a thyddynnod a gyhoeddwyd ym 1990 (Y Cod Gwyrdd). Roedd hefyd yn cyfuno'r Cod Ymarfer anstatudol ar gyfer defnyddio paleiddiaid wedi'u cymeradwyo mewn mannau amwynder ac ardaloedd diwydiannol a rhannau o'r Cod Ymarfer ar gyfer defnyddio paleiddiaid anamaethyddol yn ddiogel.

Mae paragraff 3.7.4 y Cod Ymarfer yn mynd i'r afael â defnyddio paleiddiaid mewn mannau cyhoeddus a hawliau tramwy cyhoeddus neu gerllaw iddynt. Mae'r paragraff yn cael ei ddiwygio er mwyn cywiro camgymeriad yn y gwreiddiol sy'n cyfeirio at ddeddfwriaeth sydd eto i ddod i rym.

- **Cynnig i ddirprwyo swyddogaethau o dan Ddeddf Rheoli Traffig 2004 i Brif Weinidog Cymru (2004 munud)**

- **Cynnig i gymeradwyo Gorchymyn Deddf Rheoli Traffig 2004 (Cychwyn Rhif 1) (Cymru) 2006**

Bydd y Gorchymyn hwn yn cychwyn y darpariaethau a ganlyn yn Neddf Rheoli Traffig Ffyrdd 2004 yng Nghymru:

Rhan 1 Adrannau 5(4), 5(5) and 10 – Swyddogion Traffig, tramgwyddau

Rhan 2 – Rheoli Rhwydweithiau gan Awdurdodau Traffig Lleol

Rhan 6 – Gorfodi Cosbau Sifil am Dramgwyddau Traffig

Rhan 7 - Adrannau 94, 95, 96 a 98 – Amrywiol a Chyffredinol

Diben y Ddeddf yw lleihau tagfeydd, gwella llif y traffig a gwella amodau ar gyfer pawb sy'n defnyddio ffyrdd yr awdurdodau lleol a chefnffyrdd yng Nghymru ac yn Lloegr, a hynny drwy reoli'r rhwydweithiau ffyrdd cenedlaethol a lleol.

- **Dadl am Adroddiad Blynyddol Ombwdsmon Gwasanaethau Cyhoeddus Cymru 2005-2006 (30 munud)**

- **Y ddadl fer (30 munud)**

### Dydd Mawrth 7 Tachwedd 2006

- **Etholiadau i'r Cyngor Partneriaeth Llywodraeth Leol (1 funud)**

- **Cwestiynau i Brif Weinidog Cymru (45 munud)**

- **Y Datganiad Busnes (10 munud)**

- **Cynnig i gymeradwyo o dan Reol Sefydlog 24.25 (1 munud)**

#### Ø **Rheoliadau Tatws Hadyd (Ffioedd) (Cymru) (Rhif 2) 2006**

Mae'r Rheoliadau hyn yn disodli Rheoliadau Tatws Hadyd (Ffioedd) (Cymru) 2006, a ddaeth i rym ar 3 Mawrth 2006. Maent yn pennu'r ffioedd sy'n daladwy gan y rheini sy'n gwneud cais i datws hadyd gael eu dosbarthu o dan Rheoliadau Tatws Hadyd 1991. Maent yn adlewyrchu'r newidiadau i'r derminoleg a ddefnyddir i ddsbarthu tatws hadyd cyn-sylfaenol.

- **Cynnif I gymeradwy o Rheoliadau Tatws Hadyd (Cymru) 2006 (15 munud)**

Yr hyn y mae'r Rheoliadau hyn yn ei wneud yn bennaf yw cydgrynhoi Rheoliadau Tatws Hadyd 1991 (sy'n gymwys i Brydain). Mae ynddynt hefyd ddiwygiadau sy'n ganlyniad i wneud hynny. At hynny, byddant yn gweithredu Cyfarwyddeb y Comisiwn 2002/56/EC ynghylch marchnata tatws hadyd a Phenderfyniad y Comisiwn 2004/842/EC ynghylch marchnata tatws hadyd, at ddibenion profion a

threialon, sy'n perthyn i amrywogaethau lle mae cais wedi'i gyflwyno i'w hychwanegu at y Rhestr Genedlaethol. Bydd y Rheoliadau hefyd yn cyflwyno mân newidiadau i'r trefniadau ar gyfer rhoi tystysgrifau.

## **Cynnig i drafod y ddwy eitem a ganlyn gyda'i gilydd, ond gan gynnal pleidlais ar wahân (20 munud)**

- **Cynnig i gymeradwyo Rheoliadau Gwaith Stryd (Adfer) (Diwygio) (Cymru) 2006**

Mae Deddf Gwaith Ffyrdd a Strydoedd Newydd 1991 yn darparu fframwaith deddfwriaethol ar gyfer gweithgareddau sy'n ymwneud â gwaith stryd, ac fe'i hategir gan Reoliadau a Chodau Ymarfer. O dan adrannau 71 a 104(3) o'r Ddeddf Ffyrdd Newydd a Gwaith Stryd, roedd Rheoliadau Gwaith Stryd (Adfer) 1992 yn pennu'r gofynion o ran y manylebau ar gyfer y deunyddiau sydd i'w defnyddio, a'r safonau crefftwaith y mae ymgwymerwyr megis cwmnïau d•r, trydan a thelathrebu i gadw atynt wrth adfer strydoedd gan gyfeirio at God Ymarfer a gyhoeddwyd yn 1992. Byddai'r Rheoliadau arfaethedig yn disodli ac yn dirymu (mewn perthynas â Chymru) Reoliadau Gwaith Stryd (Adfer) 1992 ac yn golygu y byddai cydymffurfio â Manyleb newydd mwy diweddar yn ofyniad cyfreithiol.

- **Cynnig i gymeradwyo'r Fanyleb ar gyfer Adfer Agorfeydd mewn Priffyrdd 2il Argraffiad 2006 o dan Reol Sefydlog 29**

Mae'r Fanyleb ddiwygiedig arfaethedig hon yn pennu'r safonau y mae'n rhaid i ymgwymerwyr (e.e. cwmnïau d•r) neu eu contractwyr gydymffurfio â hwy wrth adfer y briffordd ar ôl gwneud gwaith cynnal a chadw ar gyfarpar sydd wedi'i gladdu o dan y ffordd neu wrth osod cyfarpar newydd. Bwriedir i'r Fanyleb sicrhau, er enghraifft, fod y gwaith adfer yn gyfwyneb â gweddill wyneb y ffordd ac nad yw'n dirywio'n gynt na gweddill y ffordd. Mae hefyd yn pennu'r deunyddiau cymeradwy y mae'n rhaid i ymgwymerwyr eu defnyddio, er enghraifft, asffalt neu goncrid.

- **Cynnig i drafod y ddwy eitem a ganlyn gyda'i gilydd, ond gan gynnal pleidlais ar wahân (30 munud)**

- **The Avian Influenza (Vaccination)(Wales) (No2) Regulations 2006 o dan Reol Sefydlog 24.27(iv)**
- **The Avian Influenza and Influenza of Avian Origin in mammals (Wales) (No2) Order 2006 o dan Reol Sefydlog 24.27(iv)**



- **Slot wedi'i gadw ar gyfer is-ddeddfwriaeth (15 munud)**
- **Dadl wedi'i henwebu gan Blaid Geidwadol Cymru (45 munud)**
- **Dadl am Adroddiad Blynyddol Pwyllgor y T• (15 munud)**

### **Dydd Mercher 8 Tachwedd 2006**

- **Cwestiynau i Edwina Hart, y Gweinidog dros Gyfiawnder Cymdeithasol ac Adfywio (30 munud)**
- **Cwestiynau i Andrew Davies, y Gweinidog dros Fenter, Arloesi a Rhwydweithiau (30 munud)**
- **Cwestiynau i Jane Hutt, y Trefnydd, yn unol â Rheol Sefydlog 6.28, ac fel y pennir yn y rhestr o gyfrifoldebau'r Gweinidogion (30 munud)**
- **Cynnig i gymeradwyo Rheoliadau Bwydydd Anifeiliaid (Diwygio) (Cymru) 2006 (15 munud)**

Mae'r Rheoliadau hyn yn trosi Cyfarwyddeb 2002/2/EC Senedd a Chyngor Ewrop a wnaed ar 28 Ionawr 2003 i ddiwygio Cyfarwyddeb y Cyngor 79/373/EEC ar gylchrediad bwydydd anifeiliaid cyfansawdd ac yn diddymu Cyfarwyddeb 91/357/EEC. Yng Nghymru, byddant yn ailgyflwyno mesur CE sy'n gofyn labelu bwydydd anifeiliaid cyfansawdd gyda rhestr o gynhwysion sy'n rhestru canrannau llawn gyda goddefiad o +/-15%. Cafodd Cyfarwyddeb y Cyngor sy'n cynnwys y mesur, 2002/2/EC, ei ddwyn ymlaen yn wreiddiol gan y Comisiwn fel un o nifer o ddarnau ddeddfwriaeth yr haerwyd eu byddent yn gwella diogelwch bwyd.

- **Cynnig i gymeradwyo Gorchymyn Defaid a Geifr (Cofnodion, Adnabod a Symud) (Cymru) (Diwygio) 2006 (15 munud)**

Mae'r Gorchymyn hwn yn gwneud darpariaeth ar gyfer gweinyddu a gorfodi Rheoliad y Cyngor (CE) Rhif 21/2004 yng Nghymru drwy sefydlu system well ar gyfer adnabod a chofrestru anifeiliaid o deulu'r ddafad a'r afr. Mae'n diwygio'r Gorchymyn Defaid a Geifr (Cofnodion, Adnabod a Symud) (Cymru) 2006.

- **Dadl am Adroddiad Gwerthuso 1af Cymunedau yn Gyntaf (60 munud)**
- **Y Ddadl Fer (30 munud)**

### Dydd Mawrth, 14 Tachwedd 2006

- **Cwestiynau i'r Prif Weinidog (45 mun)**
- **Datganiad Busnes (10 mun)**
- **Datganiad gan y Gweinidog sy'n gyfrifol am Gydraddoldeb: Adroddiad Blynyddol Cynllun Cydraddoldeb Hiliol Llywodraeth y Cynulliad (30 mun)**
- **Cynnig i gymeradwyo Rheol Sefydlog 24.25 (1 mun)**
  - Ø **Rheoliadau Tenantiaethau Rhagarweiniol (Adolygu Penderfyniadau i Estyn Cyfnod Treialu) (Cymru) 2006**

Daeth Gorchymyn Deddf Tai 2004 (Cychwyn rhif 2) (Cymru) 2005 â nifer o ddarpariaethau Deddf Tai 2004 i rym ar 25 Tachwedd 2005. Yn eu plith yr oedd y ddarpariaeth o dan Adran 179 a ddiwygiai Ddeddf Tai 1996 trwy ychwanegu adrannau 125A ac 125B newydd sy'n caniatáu estyn tenantiaeth ragarweiniol am hyd at chwe mis.

Mae'r Rheoliadau'n pennu'r trefniadau y dylai landlord cymdeithasol eu dilyn pan fydd tenant yn gofyn i landlord ailystyried ei benderfyniad i estyn tenantiaeth ragarweiniol. Mae tenantiaethau rhagarweiniol yn cael eu cynnig gan rai landlordiaid awdurdodau lleol i denantiaid newydd. Os bydd landlord yn dewis mabwysiadu cynllun tenantiaeth ragarweiniol, rhaid ei gynnig i bob tenant newydd. Ar ôl y cyfnod rhagarweiniol o flwyddyn, os bernir bod tenantiaeth wedi bod yn foddhaol, troir y denantiaeth yn awtomatig yn un sicr. Os na fu'n foddhaol, gellir troi'r tenant allan heb i'r landlord orfod profi'r rhesymau.

## Ø Gorchymyn Pathogenau Anifeiliaid Penodedig (Diwygio) (Cymru) 2006

Bydd y Gorchymyn hwn yn diwygio Gorchymyn Anifeiliaid Penodedig 1998 (SI 1998 Rhif. 463) drwy ychwanegu tri chlefyd at Ran 1 Atodlen y Gorchymyn. Enwau'r clefydau yw: feirws clefyd Nipah; feirws Nîl y Gorllewin a feirws enseffalomieleitis St Louis.

- **Cynnig i ddirprwyo swyddogaethau o dan Ddeddf Amgylchedd Naturiol a Chymunedau Gwledig 2006 i'r Prif Weinidog (15 mun)**
- **Dadl wedi'i henwebu gan Blaid Cymru (45 mun)**
- **Dadl ar gynnig Rheol Sefydlog 31 i'w gyflwyno gan Tamsin Dunwoody AC, yn dilyn y Bleidlais ar 19 Medi (60 mun)**

### Dydd Mercher, 15 Tachwedd 2006

- **Cwestiynau Cyllid i Sue Essex, Gweinidog Cyllid, Llywodraeth Leol a Gwasanaethau Cyhoeddus (30 mun)**
- **Cwestiynau i Carwyn Jones, Gweinidog yr Amgylchedd, Cynllunio a Chefn Gwlad (30 mun)**
- **Slot wedi'i gadw ar gyfer is-ddeddfwriaeth (30 mun)**
- **Cynnig i gymeradwyo Gorchymyn Cynllunio Trafnidiaeth Rhanbarthol (Cymru) 2006 (15 munud)**

Mae Awdurdodau Lleol dan ddyletswydd i gynhyrchu Cynllun Trafnidiaeth Lleol ar gyfer eu hardaloedd sy'n datgan eu polisïau trafndiaeth. Bydd y Gorchymyn hwn yn galluogi awdurdodau i gynhyrchu'r Cynlluniau hyn ar sail ranbarthol yn hytrach nag fel awdurdodau unigol. Yn unol ag Adran 108 Deddf Trafnidiaeth 2000, mae'n rhaid i bob awdurdod trafndiaeth lleol ddatblygu polisïau sy'n hyrwyddo ac yn annog cyfleusterau cludiant sy'n ddiogel, yn integredig, yn effeithlon ac yn economaidd; sy'n eu galluogi i gynnal gwasanaethau i mewn i'r ardal, allan o'r ardal ac o fewn yr ardal a chyflawni eu swyddogaethau er mwyn gweithredu'r polisïau hynny. Bydd y Gorchymyn hefyd yn nodi'r angen i baratoi'r gyfres nesaf o

Gynlluniau Trafnidiaeth Lleol erbyn 30 Mehefin 2008 i gymryd lle'r gyfres gyntaf a gynhyrchwyd yn 2000.

- **Cynnig i gymeradwyo Gorchymyn Deddf Amgylchedd Naturiol a Chymunedau Gwledig 2006 (Cychwyn) (Cymru) 2006 (15 mun)**

Daw'r Gorchymyn â nifer o ddarpariaethau Rhan 6 Deddf Amgylchedd Naturiol a Chymunedau Cefn Gwlad 2006 i rym yng Nghymru. Mae'r ddarpariaeth yn rhwystro creu hawl tramwy newydd ar gyfer cerbydau gyriant mecanyddol ar sail defnydd di-dor dros gyfnod o 20 mlynedd. Y mae hefyd yn diddymu hawl tramwy cyhoeddus ar gyfer cerbydau gyriant mecanyddol os nad yw wedi'i gofnodi ar fap a datganiad diffiniadol. Mae'r darpariaethau'n rhoi'r grym hefyd i Awdurdodau'r Parciau Cenedlaethol wneud Gorchmynion Rheoli Traffig.

- **Dadl ar 'Cynlluniwyd i'w Gyflawni' (60 mun)**

- **Dadl fer (30 mun)**